

www.BibleForChildren.org

SAN MATEO 26



Te an ro ca
renda che ndaro
yudo me, ne cuahn
Dihvo vo yan Betania,
quendihchero ye Lázaro,
ihyan min che ndedetuhche
ye ihyan van tenahn.
Ura min ndaro María, nda
ye tenduh mahn litro
nunedan ndah, che duche nardo.
Chemin ne, ama yahn chihve.
Chacotahme ye cah Dihvo vo, ne nedin
cuma ye nduco yudo tin ye. Numacuahn
chetevah me quendihco chan dan.



Te an ro ca renda che ndaro yudo me, ne cuahn Dihvo
vo yan Betania, quendihchero ye Lázaro, ihyan min che
ndedetuhche ye ihyan van tenahn.


Ura min ndaMaría, nda ye
tenduh mahn litro nunadan
ndah, che duche nardo.

Chemin ne, ama yahn chihve.


Chacotahme ye cah
Dihvo vo, ne nedin
cuma ye nduco yudo
tin ye. Numacuahn
chetevah me
quendihco
chan dan.



Dinahn ihyān apóstol chahn
nduhcā che rah̄n Dihvo vo, ne
chihcoyān ye che cheh vino ye
nduco vih che cuande yahn ro yudo.
Numanahn che reh ye ne, chetaḥ
Dihvo vo paṇ, ne necaḥ ye nundihve
cuahn Dendiohs. Tuhme ndeh ye, caḥ
ye ihyān chahn, ne rah̄n ye ri ye
ihyan: —Paṇ cuh ne, yute
yáhn, cocheh
nchuhn.



Chihno min ne, chetah ye ama
vaso vino, ne necah ye nundihve
cuahn Dendiohs. Tuhme cah ye
ihyan chahn, ne rahn ye: —Cuih
nducoyaca nchuhn. Chu ne, yun yahn
che dito yahn vederihquentiyon ra
che ndahco cade Dendiohs. Cora
yun yahn, ne nduco chemin ama
yahn ihyan ndaca ye
vederenchahco
cava nunde
yahn ye.



Namin rahn Dihvo vo ri ye Pedro: —Simón, Simón,
cuihque cudado, te chundah ne, chica se Dendiohs
cava che tumerande se nchuhn nde nan che ndahco
ndiya se nchuhn. Ate u ne, cováh cave cava che hua
ama yune no cahcoman. Cuahn che ndaconen cotehne
ne, cuenecah yan chedave
yahn ihyan che
ritahno ye u.




Ndahconan Simón, ne rahn ye: —Dihvé, va vedeyenó
che conducó ndih, andahre conún vacoyahn nduco
ne man, andahre cóh dama nduco ne man. Ate rahn
Dihvo vo ri ye ihyán: —Pedro, ráhn rí di te ura
che ametah cuah tuh ne, cahme ino yune
te hua rendihche u.



Cuahn che nda Dihvo vo
ama cuan nan che duche
Getsemaní ne, ráhn ye rí
ye ihyán apóstol yahn
ye: —Cuahte nchuhn
muhn numanahn che cáhn
tan cana, cováh. Rahn ye:
—Chida mán, ndih ne, ri
redin ne nducuahn che
nahn ne. Cuahnecun ne che
hua chuhríhn nduhca che a
va cade. Chemin che ricá
ndih, ate hua co nduhca che
náhn, co nduhca che
nahn man ne.



Nducote a rendihche se min ne, hua chi vahche yahn
se, ne chahn cuaco no se nan che quenun Dihvo vo.
Nduco se ama yahn sandado man, policia yahn
yaco man, che dechuh chidocuyan ndinan
nduco sahn fariseo. Sandado chahn man,
policia man ne, nda se espada man,
linterna man. Cuahn che a nda
nino sahn chahn ne, Ama cha
ihyan chahn ne, chahn ye ama
sahn decahya yahn chidocuyan
che tahque ndinan, chacondah
ye revanse lado tah cuaco se.
Ate rahn Dihvo vo: —Hua
cuhma nchuhn. Tuhme nahn
tah ye revan sahn min, ne ndonan.



Tuhme din sahn chahn preso Dihvo vo, quenda se
ihyan vaco chidocuyan che tahque ndinan. Cuahn
Pedro diyahn diyahn,
quendi ye ihyan.
Din sahn chahn ama
vacoyahn chevah,
ne vatendi se,
recah ihno
se sahn.




Tuhme ama sahn decahya
yahn chidocuyan che
tahque ndinan, sahn vih
sahn che chacondah
Pedro revan me ne,
rahn se ri se Pedro:
—¿Tacah hua?, te u ne,
ndihcheró di nduco ye
min van yahn ndata me.
Ndaconan rahn Pedro che
hua rendihche ye Dihvo vo,
ne ura min cah tuh. Tuhme
ndihquendah Pedro,
ne ama chaco ye.





Tuhme necuan nducoyaca se, quenda
se Dihvo vo nan Pilato. Tuhme
tumerune Pilato ihyān: —¿A di
che rey yahn nación yahn Israel
ne? Ndahconan Dihvo
vo: —U, nduhca che
rahn. Ndaconan rahn
Pilato te nahn ntahte se
Dihvo vo. Ate cah tun ihyān


chahn: —iCuenahn yah ne
sahn! iCuenahn yah ne sahn!



Nduco ndudo che tihca_rah_n se
ne, ndahco Pilato Dihvo vo tah
se cava che conan yah ye, ne
quenda se ihyan. Quenda se
Dihvo vo, ne quenda ye cruz
nan che va che conan yah ye,
cuahn ye ama cuan nan che
duche Cuete Ine Tin Tenahn,
ne che devaco hebreo ne,
duche Gólgota.




Min chaconahn yah se Dihvo vo
dama nduco o se, ama se ama
ama lado chihito nan ye.



Ura che a chi mahn yahn ne, ama chi man numachahte
iyehnse nde nan rahco ino a chino, te chih yahn. Tino
che quendihco chete yaco chahte ne, nde, ndo o ndi.

Tuhme cah Dihvo vo: —Chida
man, ndahcó chedave yahn
tah ne. Chihno rahn ye
tihcah ne, chih ye.



José yahn yan Arimatea ne, ama
ihyan ndinan yahn nación yahn
Israel. Ihyan min ne,
quenan ino ye che a nun
cahcantiyon Dendiohs.
Nducote a ro min che
víspera yahn ro che
rahtetuhno ihyan
ne, din nun ino

ye chahn ye nan
Pilato, ne chica ye
sahn che cuahnecun
se che cuhche ye
Dihvo vo.




Tuhme chahn José, ca ye ama tino
cua, quenda ye. Ndedevah ye
Dihvo vo, chahcotuma ye tino
me ihyan, chacondihte ye
ihyan chete ama yayan
che ndindah nan
yava, ne necahde
ye chende yayan
me nduco ama tu
chahno.



Tama ro me, a ro che rahtetuhno ihyan
ne, chahn chidocuyan ndinan nduco
sahn fariseo nan Pilato,
ne rahn se ri se sahn:

—Ihyan ndinan yahn
nuhn, necahco nuhn
nduhca che rahn
sahn rihncheh min
te cuino ino ro che
coh se

ne, ntuche
se van tenahn.




Tuhme chahn sahn chahn,
chaconahn se sello
chende yayan me, ne
chaconahn se sandado
chahn, din se cudado.



Tama ro me, ro che ndeva ndate ne,
cuahn María yahn yan Magdala
nduco María che tama me
vatiyan dahca nan yayan
me. Adenan chiya ama
ángel yahn Dihvo vo
Dendiohs, chehnevi
ye tu che ndi
Chendevah yahn

yayan me,
ne chihnde
ye menan.



Numanahn min ne, ama
dito nuhn yahn. Ndihchero
sandado chahn ángel me,
ne ama dihya se chi,
nde tuno ndoh se
che vah se.

Van canedihya
min ne, nde chih
yute se man, nde
chi i se man.



Rahn ángel me ri ye ihyan
ndahta chahn: —Hua dihya
nchuhn co. A devanó che
nda ne ndihchero ne
Dihvo vo Jesucristo,
ihyan min che
quenah yah ye.



Metah ye muhn, te a ntuche
ye van tenahn nduhca che a
rahn ye ro menan. Cochi ne
ndihchero ne chete yayan
nan che quendite ye.
Metah ye min.



Ihyan ndahta chahn ne, quenun ca
canediha ihyan, te ama diha ye chi.
Tuhme conahn ye rano ye, ama
yeno ye, quengo ye ndudo yahn
ihyan apóstol. Ura min chihnde
ro Dihvo vo nan ihyan chahn,
ne necah ye Dendiohs ihyan.



Tuhme chahn nda ihyan chahn nan ye,
ne chehntihya ye chahtemahn ye
cah ye, ndeva ye yavenan ye.





Adiva ne, chihnde ro Dihvo vo nan ihyan apóstol che
ndichiama chahn ura che vate ye reh ye nan mesa.
Chihya ye ihyan chahn yahn che hua chitahno ye che
rahn ihyan che a ndihchero ye ihyan che a ntuche
ye. Chihno nte Dihvo vo nduco ihyan chahn ne,
din Dendiohs che conahn ye vahchetero,
chihnde ye laho tah cuaco ye.



'Tihca, te ama
yahino Dendiohs
ihyan iyehnse, ne andahre ama ndiyahn
ra Daya ye, ate chihco mendahn ye
ihyan, cava che nducoyaca ihyan che
cotahno ye ihyan min ne, ndevahn
ye, cuahtenan ye vahchetero
numacuahn ro.



ROMANOS 3:23 Nducoyaco vo ne, chendihco
vo nunde, nde hua co cahmo vo che ndah
ihyan uvo nan Dendiohs.

ROMANOS 6:23 Ihyan che rahtendihco ye nunde ne,
va che co ye castigo, din nunde yahn ye. Ate ihyan che
ndichahtino ye Dihvo vo Jesucristo ne, numacuahn
vedevahino, ndeva Dendiohs ihyan, cuahtenan ye
vahchetero numacuahn ro.

HEBREOS 9:27 Nducoyaca ihyan iyehnse ne,
a nihnde cade che va che coh ye. Adiva ne,
va che techecade Dendiohs yahn ye.



EFESIOS 2:8,9 Din ye che chitahno vo ihyan min,
ndedevahn ye uvo numacuahn vedeyahino yahn ye. A yahn
vedeyahino yahn man ye din ye che chitahno vo, ndiyu
yahn vederendedecadino yahn man vo man,
ndiyu yahn che rigonun chihve dehtenduh che nedin vo
man. A tihca va cade cava che hua din
yade nde ama ihyan.

ROMANOS 10:9,10 Cava che ndevahn nchuhn ne, nahn
che cotahno ne numacuahn chedave yahn ne, che Dihvo
vo Jesucristo ne, ndedetuhche Dendiohs ihyan van
tenahn, ne cahma ne che a ihyan min che Dihve ne,
renehahnecun ne ihyan. Tihca, te ihyan che numacuahn
chedave yahn ye ritahno ye Dihvo vo Jesucristo, ne rahn
ye che ihyan min che renehahnecun ye ne, ndevahn ye, ne
rendo yan Dendiohs nduco ye, renedin yahn ye ihyan.



SAN JUAN 3:16,17 'Tihca, te ama yahino Dendiohs ihyan iyehnse, ne andahre ama ndiyahn ra Daya ye, ate chihco mendahn ye ihyan, cava che nducoyaca ihyan che cotahno ye ihyan min ne, ndevahn ye, cuahtenan ye vahchetero numacuahn ro. Dechuh Dendiohs Daya ye muhn iyehnse cuh, ndiyu cava che din ye castigo ihyan iyehnse, ate cava che cotahno ihyan iyehnse ihyan min, ndedevahn ye ihyan.

1 JUAN 5:11-13 Rahn Dendiohs ndiyu deman che a ihyan min che Daya ye, ate namin rahn ye te ihyan che ritahno ye ihyan ne, ndevahn ye, ne cuahtenan ye vahchetero numacuahn ro. Ihyan che ritahno ye Dihvo vo Jesucristo, Daya Dendiohs ne, cuahtenan ye vahchetero numacuahn ro. Ate ihyan che hua ritahno ye ihyan ne, nde hua ndaca vahchetero cuahtenan ye. Tihca dirun yahn nchuhn che ritahno ne Dihvo vo Jesucristo, Daya Dendiohs, cava che codevano cuaco ne te cuahtenan ne vahchetero numacuahn ro.



SAN MATEO 26-28; SAN LUCAS 22-24;
SAN JUAN 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Cuicatec, Teutla Bible (cut) © 1972, Wycliffe Bible
Translators, Inc. All rights reserved.

<https://www.bible.com/bible/843/MAT.1>

©2026 Bible for Children, Inc.

www.M1914.org

www.bibleforchildren.org

